

Nama: _____ Tarikh : _____

Hari : _____

BACA PETIKAN DI BAWAH. JAWAB SEMUA SOALAN YANG DISEDIAKAN.

GAJAH MATI MENINGGALKAN TULANG, MANUSIA MATI MENINGGALKAN NAMA

Gajah merupakan binatang besar yang hidup di rimba raya. Gajah merupakan binatang yang liar dan buas tetapi boleh dijinakkan. Gajah boleh membantu manusia dalam banyak hal. Umpamanya, gajah dijadikan pertunjukan di dalam sarkas dengan membuat beberapa persembahan yang menarik untuk menghibur penonton. Selain itu juga, gajah juga boleh dijadikan kenderaan dan mengangkut benda-benda berat seperti kayu balak dan sebagainya. Orang-orang zaman dahulu menggunakan gajah sebagai kenderaan dalam peperangan. Ingatkah adik-adik cerita mengenai 'Tentera Bergajah'?

Gajah terbahagi kepada beberapa jenis. Ada yang dipanggil gajah bara (gajah hitam), gajah ladang (gajah yang sudah dijinakkan), gajah tunggal (gajah liar) dan lain-lain lagi. Gajah ini mempunyai taring yang panjang di sebelah kanan dan kiri belalainya. Taring inilah yang disebut 'gading'. Gading ini sangat berharga. Hulu keris diperbuat daripada gading. Selain daripada itu, klinik-klinik pergigian juga memerlukan gading untuk membuat gigi palsu.

Peribahasa yang berbunyi 'Gajah Mati Meninggalkan Tulang, Manusia Mati Meninggalkan Nama' adalah kiasan kepada bahawa orang yang hidup pada masa ini akan mati. Orang yang sudah mati tentu akan meninggalkan sesuatu kepada orang yang masih hidup sama ada kejahatan, kebaikan atau harta.

Kalau mati meninggalkan harta, harta itu akan habis. Kalau mati meninggalkan perbuatan jahat, nama kita akan dikeji. Akan tetapi, jika mati meninggalkan kebaikan atau jasa, nama kita akan dipuji dan akan dikenang oleh orang selama-lamanya.

SOALAN:

1. Di manakah gajah biasanya hidup?

2. Bagaimanakah gajah boleh digunakan untuk menghibur?

3. Apakah salah satu cerita yang diambil dari nama gajah?

4. Sebutkan beberapa jenis gajah yang kamu ketahui?

5. Apakah yang terdapat pada sebelah kanan dan kiri belalai gajah?

6. Apakah yang dapat dibuat dengan gading gajah itu?

7. Apakah peribahasa yang dikisahkan mengenai orang yang hidup pada masa ini?

8. Apakah perkara-perkara yang akan ditinggalkan oleh orang yang mati?

9. Apakah yang akan dilakukan oleh orang jika kita mati meninggalkan kebaikan?

10. Apakah pengajaran yang dapat kamu pelajari daripada petikan di atas?

(20 MARKAH)